



Il sujet principal dalla Dertgira nauscha d'uonn: Ils nanins da curtgin e l'falvetta. MAD

Vid la fuortga cun No-Billag

La Dertgira nauscha ha salvau sia seduta la sera dil gliendisdis tscheiver a Mustér

DA HANS HUONDER / ANR

■ La sera dil gliendisdis tscheiver s'auda a Mustér alla Dertgira nauscha. Era uonn ha quella clamau la popolaiziun a sia seduta publica. La gliesta da tractandas ei stada pulpida. La finalina ha la dertgira pendiu vid la fuortga l'iniziativa No-Billag sco exempel per tuttas iniziatives che vegnan lantschadas senza tgau. La Dertgira nauscha ha giu lig per la 30avla ga. Igl onn 1987 ha l'Uniu da tscheiver Mustér schau reviver ella e dapi lu eis ella vegnida tenida cun ina pintga interrupziun. Sco quei ch'ins sa leger en ina publicaziun da pader Ambros Widmer permitt era igl usit dalla Dertgira naschua tschessaus entuorn 1780, en mintga cass denton avon l'invasiun dil Franzos. La fin da quei usit pudess vegnir attribuida allas comedias che vegnevan lu dadas pli e pli ei vitg duont quei temps e che pudessen haver remplazzau la Dertgira nauscha. Ils motifs exacts ein denton bucuertibels. Dapi che la Dertgira nauscha ei vegnida reactivada gauda ella gronda calamita tier la gliעד, buca mo da Mustér, mobein dall'entira regiun. La gronda lavur che vegn prestada da derschaders e derschaders vegn remunerada sin quella moda.

Tractandas senza fin

Las tractandas e las conclusiuns dalla Dertgira nauscha ch'ei dil remiment era da retrer sco protocol a secret ein danovava

mein stadas numerusas uonn. Il tribunal da tscheiver ha giu da far il tgil plein en vischnaunca, mo era els vitgs vischinonts. Aschia a Sedrun cul hotel Oberalp: «Nus lamentein cheu a Mustér gleiti dapi decenns ch'ei schabegia nuot cul hotel dil Belggs. Mo atgnamein savein nus esser bi leds ch'el stat aunc adina. Per quei sch'ins mira co igl ei iu cul hotel Oberalp enta Sedrun, ei in coloss da betun che stat pli u meins agrad si aunc adina meglier ch'ina stermentusa ruosna cun in plazal da baghegiar amiez il vitg nua ch'ei schabegia nuot. Mo atgnamein eis ei clar daco ch'ins sa momentan buca baghegiar enta Sedrun. Las cranas ein si Sontga Catrina.» Mo buca mo quei. Era la pendiculara sil Cuolm da Vi ei stada in dils temas dalla dertgira il gliendisdis sera: «Sche nus essan gia a Sontga Catrina e tier pendicularas. Cun la pendiculara sil Cuolm da Vi stat ei buca bein. A Mustér lessen ins dar gas. En Tujetsch plitost frenar – quei tut tenor la luna, l'aura, ni... nus savein era buca propi tgei. Basta! Tschintschau vegn in sper l'auter ora e cu gliez gida era nuot pli, lu vegn mo pli tschintschau via medias. Il resultat tuna lu aschia: 'Ich meine me dörf scho au erwarten, das Gmeind Tujetsch en gewisse Nutzen het davo. Und sucht immer einfach Gartezwäg. Dia dumme Gartezwärg i dem ganze Umzug.»

Ils nanins da curtgin

L'expressiun cul nanin da curtgin ha dil remiment accumpignau la Dertgira nauscha

l'entira sera, buca mo en connex cun las fatschentas en Tujetsch. Nanins da curtgin dat ei dapertut. Apparentamein era a Mustér en connex cun la cumissiun da baghegiar: «La Dertgira nauscha ei sedumandada dapi cu che Mustér ha in maletg dil vitg che fuss da mantener specialmeint? Ei dat bein la claustra e tscheu e leu in per casas veglias. Forsa amiez Segnas – denton propi mo leu – dat ei in maletg dil vitg che fuss da mantener. Mo schiglio? La Dertgira nauscha ei dil meini che si en la vischinonza digl Utoring san ins far nuot pli falliu. Denton gest leu paran ei da metter gronda peisa che las casas mirien ella dretda direcciun per gie mantener il maletg dil vitg. Nus supponin che tgei che va a prau cul maletg dil vitg ni buca dependa plitost digl architect e sias relaziuns cun la cumissiun da baghegiar.»

Dils da Medel e da Sunviti

La Dertgira nauscha ha era analisau empauet la situaziun politica e dall'infrastructura ellas vischinoncas vischinontas. Aschia a Medel: «Ils Medelins duein lu semplemein buca vegnir sin l'idea da vucho au erwarde, per quei ch'ei anflan buc in niv president. Also silmeins buca cun Mustér. Nus duvren buca aunc bia dapli surfatscha e cunzun buc aunc bia dapli infrastructura spatioschada dapertut entuorn e ch'ei buca vegnida mantenida. Per quei probabel ei quei tactica. Tener bass il pei da taglia, far neginas investiziuns en

l'infrastructura communal e lu fusiunar e schar pagar ils auters.» Mo era il turissem a Sumviti ha fatschentau ils derschaders: «Basta, silmeins ei Sumviti Turissem buc igl entir temps ellas medias cun lingias grassas negativas. Igl ei denton era aunc buca clar schebein Sumviti Turissem seligia cun Surselva Turissem ni Sedrun Mustér Turissem ni plitost cun Glarnerland Tourismus ni tutina sur la Greina cun la Organizzazione Turistica Regionale Bellinzese ed Alto Ticino. Quella decisiun vegni aunc per prida proximamein, sco ei tuna. Ins lessi seprofitar dallas bunas experientschas che Sedrun e Mustér han fatg e fan di per di ensemen.» Sedrun Mustér Turissem e la cooperaziun cun Andermatt ein medemamein vegni tematias extendidamein.

LQ ni GR?

E naturalmeint che las medias metschan era buca dils commentaris dalla dertgira: «La Quotidiana ei en pitgiras. Aschi digt ch'igl ei gartegiau da far gudogn cun ella ha Lebrument fatg ella e salvau il gudogn per el. Usa ch'ei dat in deficit duein auters surpender quel. Per quei tut che stuleria co far e co finanzia la gasetta. Fetg impurtants messadis vegnan era d'in renomau scribent romontsch – in dalla Cadi – quel en la val stretga cheugiu. Ins hagi fatg tut falliu. La «Gasetta Romontsch» vess ins stuiu salvar e buca mischedar e far ina per tut ils Romontschs. Paradox ei ch'el medem scribent pren bugen ils

daners ch'el survegn per palesar siu meini – ch'ei atgnamein gnanc dumandaus – dad exact quella gasetta che vala nuot tenor el.»

Sentenziau No-Billag

Il Tir cantonal en Surselva, la claustra, la stampa, l'economia en general, l'Uniu da commerci e professiun Mustér, mo era la gastronomia, UniPolisi, la renovaziun dalla baselgia a Rabius e la nova halla plurivalenta a Sedrun han dau da discutar aschi bein sco la midada da meinafatschenta el Center da sport e cultura. Mo lu era ina remarca per Surrein: «En baselgia ei vegniu montau ina hazza orgla, in ver keyboard rustical. Il quen ei levs: Per minga habiton da Surrein dat ei tschun fifas e sch'ins reparta las fifas sin quels che van en baselgia minga dumengia, lu dat ei schizun tschien fifas per mingin.» La finalina ha la Dertgira nauscha era giu da prender ina sentenzia finala, ischercond in delinquent. Quel ha ella era anflau uonn ed ha pendiu l'iniziativa No-Billag. Ella seigi igl exempel per tuttas iniziatives lantschadas senza tgau. Denton auter ha la Dertgira nauscha fatg la suandonta cumparegliaziun: «Mingin ha da criticar entatzei vid il program da radio e televisiu. U emissiun scribent romontsch – in dalla Cadi – quel en la val stretga cheugiu. Ins hagi fatg tut falliu. La «Gasetta Romontsch» vess ins stuiu salvar e buca mischedar e far ina per tut ils Romontschs. Paradox ei ch'el medem scribent pren bugen ils

■ CUMINONZA ROMONTSCHA FLEM

Paterlada sur da No-Billag

Mingta emper mardis dil meins serinna ina gruppa dad interessai dalla Cuminonza Romontscha Flem el Café Postplatz ad ina «Paterlada», Fertion che las Paterladas ein usitadamein buca structuradas ha ella la davosa gada giu ina altra fuorma. El center ei il tema No-Billag staus. Suenten in referat han ils presents priu posiziun leutier en ina discussiun libra. All'entschatta

dalla sentupada ha il president Hanspeter Meiler fatg beinvegni als presents e quei specialmeint a Verena Caprez da Trin sco referenda ed il representant e promotur referent dalla Lia Rumantscha David Flepp. Suenten ha Caprez presentau en in referat il tema dalla iniziativa No-Billag e cuortamein era las vestas dils adherents e dils adversaris. Ella ha farg quei a moda simpatica e competenta senza valetar ils

differentas aspects. Alla fin da siu referat ha ella era presentau ils fepls d'informaziun dalla SRG SSR che tractan differentas temas. La discussiun ei sesplegada a moda libra, quei vul dir senza tgamun. Ella ha mussau ch'il tema Billag sa tutavia vegnir tractaus tut igl aspect da finanzas, ch'el ensiara denton era autras dimensiuns impurtontas. Dalla SRG e la RTR vegn dad ina vart spitgau ch'ella spargni

cun personal e finanzas. Las contributiuns dallas fatschentas per la Billag cuntentan era buc. Dall'otra vart ei vegniu puntuau igl aspect da cultura e dalla tgiara dils differentes lungargs en Svizra. Oravontut il Radio Romontsch e la Televisiun Romontscha sustegnien per ina buna part ed en ina buna moda e maniera il manteniment dil romontsch en las famiglias e las regiuns. Ina sperdita da quels

mieds da sustegn metress differentas aspects davart il diever dil lungatg romontsch en damonda.

Alla fin dalla sentupada han plirs presents formulau lur cuntentientscha sur dil referat e dalla discussiun. La Cuminonza Romontscha Flem da sia vart sa mirar anavos sin ina Paterlada interessanta ch'astga vegnir taxada sco bein gartegiada. Giosch Gattmann, Flem

reclama



NEIN zum Angriff auf die Medienvielfalt

Wir sagen Nein zu Graubünden ohne Stimme!
Nus schain NA ad in Grischun senza vusch!
Diciamo No a un Canton Grigioni senza voce!



Markus Caduff,
Fraktionspräs. CVP



Vera Stiffler,
Fraktionspräs. FDP



Silvia Casutt,
Grossrätin CVP



Gian Michael,
Fraktionspräs. BDP



Conradin Caviezel,
Fraktionspräs. SP

Komitee «Nein No-Billag», Postfach 409, 7000 Chur